

Michaels cue-bid-ovi i Neobične NT intervencije

Nakon protivničkog otvora, često je teško opisati list s dvije duge boje. Može se otići previsoko, dok se pokažu oba dvije. Pogledajte slijedeće listove :

- | | | | |
|-----------|---------|-----------|----------|
| • ♠ KQ964 | ♥ KQ872 | ♦ 52 | ♣ 7 |
| • ♠ 765 | ♥ - | ♦ K10765 | ♣ QJ1093 |
| • ♠ 4 | ♥ KJ872 | ♦ AJ10754 | ♣ 5 |

Uz prvu ruku licitirat ćete 1 pik s nadom da ćete kasnije moći licitirati boju herc, ostale dvije ruke su općenito opasne za licitiranje, pogotovo na nivou 2. Obje ruke imaju dobru snagu, ali niti jedna ne opisuje standardnu intervenciju, koja pokazuje unikalni list s bojom koja može podnijeti atak.

Michaels cuebid & Unusual Notrump su konvencije koje pokazuju dvobojne listove sa samo jednim licitom. Korištenje ovih konvencija ovisi o boji otvora

Michaels Cuebid

To je direktni cue-bid (2 tref na otvor 1 tref) i pokazuje +5-karatnu dužinu u druge dvije boje. Jedna boja je uvijek major, ali točno značenje ovisi o boji otvora :

- nakon otvora u minoru, Michaels Cuebid pokazuje oba 5-karatna majora
- nakon otvora u majoru, pokazuje drugi major plus jedan neodređeni minor

Michaels Cuebid zamjenjuje jaki cue-bid intervenciju. Ako imate vrlo jaku ruku, morate krenuti s informativnom kontrolom!

Unusual 2NT

Ovo je direktni skok u 2NT nakon otvora 1 u boji i pokazuje 2 +5-karatne boje nižeg nivoa. Jedna od boja je uvijek minor, to ovisi o boji otvora :

- na otvor 1 tref, 2NT pokazuje karo+herc
- na otvor 1 karo, 2NT pokazuje tref+herc
- na otvor 1 u majoru pokazuje tref+karo

Vratimo se na gornje primjere, prvi primjer je idealan za Michaels Cuebid. Drugi primjer je Unusual 2NT čime pokazujemo obje boje bez obećavajuće velike snage u poenima. Treći primjer ovisi o boji otvora, na otvor 1 pik licitirat ćemo 2 pik (Michaels Cuebid), a na otvor 1 tref licitirat ćemo 2NT (Unusual 2NT)

Potrebna snaga

Snaga potrebna za ovu intervenciju je +7H poena, ali kvalitet boje i igrajuća snaga su važniji od visokih poena. Ove intervencije su po prirodi baraži – pokazuju dobre boje i distributivne vrijednosti, ali ne obavezno i snagu u visokim kartama za regularnu intervenciju. Može se koristiti i s jakim poenima gdje tjerate partnera da izabere preferencu u boji, a onda skočite u igru.

Neki igrači preferiraju jednostavne intervencije sa srednjom snagom (10-15H), Michels Cuebid koriste samo kad su slabi 5-9H, ili vrlo jaki s dovoljno poena za igru

Uglavnom, najbolje pravilo je da se koristite vlastitom procjenom. Odlučite ako želite pokazati jednu boju (češće major) s jednostavnom intervencijom, ili ćete odmah pokazati cijeli list odmah s Michaels Cuebid-om ili Unusual Notrump-om :

Primjeri :

- | | | | |
|-------|---------|------|----------|
| • ♠ 8 | ♥ AQ976 | ♦ 53 | ♣ KQ1043 |
|-------|---------|------|----------|

Na otvor 1 karo, najbolje je licitirati 1 herc, možete koristiti Unusual 2NT, ali to će forsirati licit na nivou 3, koji može biti previsok

- ♠ KQJ98 ♥ A ♦ J10654 ♣ 43

Ako imate veliku razliku u poenima između dvije boje, bolje je intervenirati u jednoj od tih boja. Na otvor 1 herc, najbolji govor je 1 pik, jer to preciznije opisuje list nego Michaels Cuebid

Druge upotrebe

Ove konvencije najčešće se koriste direktno na otvor protivnik, ali mogu se koristiti i u nekim drugim situacijama. Ako je npr. licitacija išla 1 tref – pass – pass možete s 2 tref pokazati oba majora. Na 1 herc – pass – pass možete s 2 NT pokazati oba minora.

Također, Unusual notrump intervencija se može koristiti i bez skoka, npr. licitacija ide 1 herc – pass – 2 herc – 2 NT pokazuje oba minora, isto tako 3 herc pokazuje pik i minor

Intervencije u NT na višim nivoima također imaju ovo značenje, npr. 3 karo – 3NT pokazuje tref+herc, 1 pik – pass – 4 pik – 4 NT pokazuje oba minora, za ovaj licit ruka mora biti poenski jaka i jako distributivna

Koristite vašu procjenu

Poput svih intervencija, ove intervencije daju informaciju partneru, ali i protivnicima. Ako ne izlicitirate kontrakt, otvarač ima perfektnu sliku distribucije. Zbog ovog razloga, trebate licitirati kad imate sve potrebne stvari poput potrebne dužine u bojama i potrebne snage.

Budite oprezni ako imate poena van dvoboja, jer su tad obično boje preslabe za intervenciju.

Zona također utječe na vašu odluku. Tako u zoni ove intervencije također pokazuju jaču snagu nego van zone.

Odgovori

Pošto su ovo umjetne licitacije, na pass od protivnika, vi ne možete pasirati. Za većinu intervencija vi znate točno koje boje ima partner, tako licitirajte vašu dužu boju, ne licitirajte boju van te dvije boje ukoliko stvarno nemate veliku dužinu i snagu u njoj.

Nivo vašeg licita ovisi o snazi adutske podrške. Sa slabom ili srednjom rukom licitirajte najniži mogući nivo, s jačom rukom skočite u jednu od boja partnera što predstavlja poziv za igru ili skočite na nivo igre.

Ako se protivnik prije vas javi, možete se natjecati ako imate podršku u jednoj od partnerovih boja, ali i možete pasirati ako nemate, dovoljna je 3-karatna podrška.

Ako imate slabu ruku, ali uz jednu dugu boju koju ima partner možete se žrtvovati. Npr. došao je otvor 1 herc, partner licitirao 2 herc, a vi imate ♠ J964 ♥ 5 ♦ A872 ♣ J874, znate da će protivnici sigurno napraviti minimalno 4 herc, tako ako niste u zoni možete se žrtvovati zvanjem direktno 4 pik, s vašom rukom vi imate otprilike 8-9 štihova, a možda i 10.

Pronalaženje nepoznate boje

Ako se intervenira Michaels Cuebid na otvor 1 herc ili pik, još se ne zna koji je minor druga boja pored majora, stoga se može licitirati 2 NT čime se od partnera traži da pokaže minor. Nakon toga se može pasirati podići nivo ili žrtvovati se.